

揭陽縣志卷之一

方輿志

揭陽知縣劉業勸重纂



宋鄭樵云州縣之設有時而更山川之形千古不易故禹貢分州必以山川定疆界而唐杜佑通典則以歷代郡國析於禹貢九州之中條理明備後世因之揭雖南服一隅然觀星野以知災祥睹潮汐以知消長考沿革以知古今之異制覽山川以知關隘之當防與夫橋梁道路之修廢邨墟廬井之衰旺皆司牧者所有事也物土之宜而布其利毋厚自養而瘠其民斯克副父母之稱無負提封之寄志方輿

星野

揭陽縣志卷之一

方輿志

一

山河之象存乎兩戒南戒主越門自岷山蟠冢負地絡之陽東循嶺徼達甌閩是謂南紀潮南越支郡也揭又潮之支邑星紀分揚州之吳越但以越言自錢塘以東而閩而廣迄南交越裳皆越地東西奚翅萬里揭在越中曾不及著面之黑子其爲星分亦微矣然保章氏以星土辨九州之地所封之域皆有分星以觀侵祥禋祥所由興救政序事所自出天街潤而漢昌地戶啓而越霸少微犯而隱士憂彗星出而鯨鯢死故劉向謂察動之變莫著於五星揭雖一隅亦應星分未可以天道遠人事邇而不及修省也

夏后氏曰揚州春秋曰百粵沈懷遠南越志云南粵之地牛女分野揚州之末土也



爾雅星紀斗牽牛也河鼓謂之牽牛

周禮注十二次之分星紀越也

春秋元命苞牽牛流爲揚州分爲越

史記天官書粵地牽牛婺女分野

西漢書斗江湖牽牛婺女

後漢書星紀起斗十二度至須女二度於辰在丑吳越之分野屬揚州

費直云星紀起斗十度終婺女五度

蔡邕月令章句星紀起斗六度終婺女二度

僧一行云星紀起斗九度終婺女四度

皇甫謐帝王世紀昔黃帝受命始推分星次以定律度自斗十一度

揭陽縣志

卷之一

星野志

二

至婺女七度一曰須女曰星紀之次於辰在丑亦謂之赤奮若於律爲黃鐘斗建在子今吳越分野

晉天文志自南北十二度至須女七度爲星紀

唐天文志自河南下流窮南紀之曲東南負海爲星紀石氏星經熒惑主衡山荆揚交州

唐天文志星紀鶉尾以負南海熒惑位焉

宋天文志三臺六星其西近文昌二星曰上臺爲司命下一星主荆揚

元史斗四度三十六分六秒入吳越分

明一統志惠州專屬須女潮州專屬牽牛

已上諸說分星分度互有不同而語斗牛女爲吳越之分則一要



之越占分野於辰爲丑於次爲星紀於宿爲斗六星牛四星女四星於五星爲熒惑於北斗爲開陽星舊志謂爲權星誤權乃北斗第四星主荊州於三台爲司命下星於天市垣爲東第二星東第六星於心爲明堂於鶉火爲朱鳥影其老人星則南極所出也其南極胝北極則孔雀異蛇諸星亦主漲海之占驗也



## 沿革

揭之得名以嶺由來最古戍於秦定於漢離析於晉宋齊梁之間廢置變遷不一而足或爲郡或爲州或爲縣或屬東吳或屬豫章或屬閩越初以全潮統於揭地後又以揭邑隸於海陽迨宋紹興十年設治於玉窖村縣乃始定要之爲地擇官非爲官擇地凡百君子職思其居誠能和誠其人民而旣以十二事則循吏之稱今猶古也奚封圻廣狹望緊上中下縣之足云

春秋時爲揚州地在於天官斗則吳之分野兼得楚及南越之交越滅吳盡并其地揚亦屬越

秦

始皇三十三年遣任囂趙佗攻取陸梁之地遂平南越置三郡曰桂

揭陽縣志

卷之一

沿革

四

林曰象郡曰南海置南海尉以典之所謂東南一尉者也南海郡領縣六其一曰揭陽以五嶺之一得名卽今潮州府治

揭嶺今名飛泉嶺

秦末南海尉任囂卒趙佗代爲尉擊并桂林象郡自立爲南越王揭陽屬佗

漢

高帝初立長沙王揭陽屬長沙後遣陸賈封佗爲南越王又屬南越文帝時揭陽屬南越佗稱帝令陸賈說歸漢

武帝元鼎元年佗後數代南越王興與母后議治裝入朝其相呂嘉諫不從遂害王與后而據以叛東越王餘善請以卒八千從樓船將軍擊呂嘉兵至揭陽以海風波爲解不行五年秋使衛尉路博德爲伏波將軍都尉楊僕爲樓船將軍會番禺六年冬敗越揭陽



令史定聞漢兵至自降封安定侯復改其地爲南海郡

三國吳孫權黃武五年以南海郡屬廣州後主時析置廬陵南部都尉揭陽屬焉改隸揚州

晉

武帝太康三年以廬陵南部置南康郡揭陽爲屬縣隸揚州

成帝咸和元年分南海立東官郡揭陽隸東官

東官卽今東莞縣

安帝義熙五年分東官郡揭陽縣地立義安郡

按揭陽之改爲郡自此始領綏安海寧海陽潮陽義昭五縣綏安今爲漳浦海寧今爲龍溪俱隸閩義昭卽潮屬程鄉大埔二縣唐高宗永徽初省潮陽縣睿宗先天初復置肅宗乾元間乃罷其餘縣而獨存海陽潮陽程鄉三縣

揭陽縣志

卷之一

沿革

五

宋齊皆爲義安郡

按潮州全郡皆揭陽地自宋齊以及梁陳隋唐五代又爲義安郡屬之海陽

梁

高祖普通四年以義安郡置東陽州尋改爲瀛州

陳

高祖永定中廢瀛州仍置義安郡

隋

文帝開皇九年省義安郡爲潮州

煬帝大業三年罷州復爲義安郡

唐



高祖武德四年省義安郡置潮州

太宗貞觀三年屬江南道

明皇開元二十二年置福建經畧使隸福建二十三年隸嶺南道

明皇天寶元載改爲潮陽郡復隸福建九年仍隸嶺南

肅宗乾元元年復爲潮州凡五易然後州名始定

懿宗咸通三年隸嶺東道

五代時爲劉巖所據稱帝改元國號越改號南漢揭陽屬劉氏

宋

太祖開寶四年平南漢始盡得嶺南之地以潮州隸嶺南東道

神宗熙寧元豐之間潮州止領海潮二縣

徽宗宣和三年始割海之永寧延德崇義三鄉置揭陽縣

揭陽縣志

卷之一

沿革

六

高宗紹興二年廢入海陽十年復設卜地於陷隍玉窖二邨陷隍在

豐政都屬豐順縣地玉窖今揭陽城

元

世祖至元十七年置潮州路屬廣東道宣慰司隸江西中書行省揭

陽屬焉

明

太祖洪武二年改潮州路爲潮州府領海潮揭程四縣隸嶺東道揭

三鄉十三都是年置蓬州守禦千戶所於夏嶺村

世宗嘉靖四十二年析揭陽之龍溪一都歸海陽又析揭陽之鮑江

鱷浦蓬州三都湊置澄海

此四郡俱屬延德鄉

國朝揭陽縣仍明制



乾隆三年割藍田都九十兩圖置豐順縣縣仍舊制

揭陽縣志

卷之一

沿革

七



# 潮汐

揭治無井以潮汐爲血脈迴瀾沓浪舟楫往來便焉然其味鹹天時雨溢溪澗之水勢高於潮潮雖漲不能侵內地遇亢旱溪乾潮怒則往往傷禾稼又夏秋之交颶風間作潮多汜濫破屋衝舟頽山濱岸其害不一時賴守土者節宣以迓天和毋致揚波而爲民患焉耳

山海經曰海鰐出入之度浮屠書曰神龍之變化

許慎說文曰朝至曰潮汐至曰汐

王充論衡曰水者地之血脈隨氣進退

盧肇海潮賦曰激水而潮生月離日而潮大

宋尙書余靖曰古之言潮者多矣或言如橐籥翕張或言如人氣呼

揭陽縣志

卷之一

潮汐

八

吸或言海鰐出入皆無經據唐盧肇著海潮賦以謂日入海而潮生月離日而潮大乃出於胸臆不知而作也夫陽燧取火於日陰鑑取水於月從其類也潮之漲退海非增減蓋月之所臨則水往而從之日月右轉而天左旋一日一周臨於四極故月臨卯酉則水漲乎東西月臨子午則潮平乎南北彼竭此盈往來不絕皆繫於月不繫於日何以知其然乎夫晝夜之運日東行一度月行十三度有奇故太陰西沒之期常緩於日三刻有奇潮之日緩其期率亦如是月自朔至望常緩一夜潮自望至晦復緩一晝潮若因日之入海激而爲潮則何故緩不及期常三刻有奇乎肇又謂月去日遠其潮乃大合朔之際潮殆微絕此固不知潮之準也夫朔望前後月行差疾故晦前三日潮勢極大望亦如之非謂遠於日



也月弦之際其行差遲故潮之來去亦合沓不盡非謂近於日也  
盈虛消息一繫之於月陰陽之所以分也夫春夏晝潮常大秋冬  
夜潮常大蓋春爲陽中秋爲陰中歲之有春秋猶月之有朔望也  
故潮之極漲常在春秋之中潮之極大常在朔望之後此又天地  
之常數也

明郎中葉春及曰太陰每日所躔天盤子午卯酉之位而定其消長  
月臨於午則爲長之極歷未及申酉則極消消極復長以至於子  
又爲長之極自是至卯而消復至於午而極盛此其大較也然月  
順天右行積三十日一周天其臨子午卯酉時有先後故潮因之  
亦有晝夜早暮之不同粵潮汐分五節初一初三十六十七十八  
日潮夏辰冬午春秋巳時汐夏戌冬子春秋亥時此之謂平初四

初五初六十九二十二十一日潮夏巳冬未春秋午時汐夏亥冬  
丑春秋子時此之謂落水勢微劣初七初八初九二十二二十三  
二十四日潮夏寅冬辰春秋卯時汐夏申冬戌春秋酉時此之謂  
敗魚蝦退散網罟不施初十十一十二二十五二十六二十七  
日潮夏寅冬辰春巳秋卯時汐夏申冬戌春亥秋酉時此之謂起種  
植醞釀醫灸忌行十三十四十五二十八二十九三十日潮夏卯  
冬巳春秋辰時汐夏酉冬亥春秋戌時此之謂旺

山堂肆考早潮下晚潮上兩水相合謂之沓潮而澹足子則謂朝潮  
未落暮潮乘之駕以終風前後相蹙海水爲之沸溢亦曰沓潮一  
歲有之或再歲有之此則潮之變水不能之其節者也

按舊志載周翠渠之說則以氣之伸縮爲潮之消長馬古州之說



則以潮汐依日而滋長隨月而漸移皆犯余襄公所譏惟前令鄭  
濂所論尙頗得當鄭云圓則之運大氣舉之方儀之靜大水承之  
氣有升降地有浮沉而潮汐生焉月有盈虛潮有起伏故盈於朔  
望虛於兩弦息於朏朒消於朏魄而大小準焉月爲陰精水之所  
生日爲陽宗水之所從故晝潮之期日常在子夜潮之期月必在  
午而晷刻定焉卯酉之月陰陽之交故潮大於餘月朔望之後天  
地之變故潮大於餘日一晦一明再潮再汐一朔一望再虛再盈  
天一地二之道也月經於上水緯於下進退消長相爲生成此天  
地之至信而古今不易者也



疆域

潮郡舊十有一屬雍正十一年改程鄉縣爲嘉應州以平遠鎮平二縣隸之今止存九縣近山遠海者海陽大埔普寧也環海而無崇山峻嶺者澄海也山海交錯者揭陽與潮陽饒平惠來四邑也而綿亘遼曠接連數邑揭尤稱巖疆

揭邑在府城西舊編戶一百二十八里後析置澄海實七十八里東西廣二百八十里南北袤八十五里至府七十五里至省一千八百七十里至京九千八百二十七里東至鄒堂七十里爲澄海縣界西至長潭子湖顛爐二百里爲長樂縣界南至屯埔二十里爲普寧縣界東南至鋪前二十里爲潮陽縣界北至萬里橋五十里爲海陽縣界東南至小坑七十里爲澄海縣界西南至三山廟輪嶺一百二十里爲長樂陸豐二縣界東北至深坑五十里爲海陽縣界西北至猴子洞九十里爲長樂豐順縣界

揭邑爲鄉者三曰永寧曰延德曰崇義嘉靖四十二年割延德置澄海縣今止存二鄉

揭治爲都者九曰在城曰漁湖曰桃山曰地美曰梅崗曰藍田曰霖田曰磐溪曰官溪

漁湖都西南界官溪而附於邑治之東田疇廣衍土沃地平北接藍田其界以北溪爲分南通潮陽之直浦東則與桃山鸞坡爲錯壤雙溪之流於此合而入海則漁湖桃山又全揭之鎖鑰也

桃山都之界以萬里大窖二橋爲限橋以北海陽疆域也東亦密邇海陽之登雲上莆其北則梅岡其南則地美萬家煙火碁布星羅



土美田肥兼有魚鹽蜃蛤之利

地美都居邑之極東阻山負海桑浦北峙山之陰卽海陽龍溪都雞籠東矗山之麓爲鮑江澄海界西鄰桃山南面大海桑浦舊亦盜藪過者須多結隊而行雖不及飛泉諸嶺之重山複礧而三邑之交有穴有洞青嶼而外卽巨浸汪洋匪人以時出沒亦畏途焉梅岡都在梅岡山之麓黃岐山之分也東北曰大脊嶺海陽歸仁之界也東爲海陽大和都東南連桃山都南與漁湖隔一衣帶水道通普寧舊爲師旅所經且大脊嶺與海陽楓洋山毗近可以達於豐順未可以其內地而忽之

藍田都在邑之北卽縣城之背也土地廣濶山谷叢多附近曰黃岐山巉巖羅列如屏如堞接連則馬鞍山繞其後再進東北曰五房

揭陽縣志

卷之一

疆域

十二

山曰飛泉嶺更多巉巖其間曲磴危仄荆棘叢穢人迹之所弗經也都之西北爲貴人村山周遭百里鳥道紆迴爲嘉應長樂之交而綿亘乎奇峯插天幽巖密箐之猴子洞又爲海陽嘉應長樂毗連之深山窮谷也今貴人村山與猴子洞飛泉嶺俱隸豐順

霖田都在邑之西土地山勢與藍田等奇峯最聳者爲揭陽山在都之西北形勢岩嶢又名曰獨山挺然傑出層巒疊翠越西南二十里曰明山折而南曰巾山或半落天外如介冑特立或雄峻奔馳如駿馬下坡或萬仞橫列如複道行空澗阻懸崖巖屬難升誠爲通邑之峻險也

按藍霖二都地當上游距治爲遠諸山天塹有穴可藏有隘可據徑通九縣易聚易散奸人依爲萑苻至有百十深匿官軍日夜窮



搜而莫知其所者有明中葉以來二百餘年伏莽時聞疲於奔命  
順治三年九軍賊劉公顯等倡亂卽其地也

磐溪都亦邑之西境然非險地平原沃野繡壤相錯雖山有雙峯自  
藍田來並峙競秀而險不足恃惟藍田在北霖田在西二都倘有  
竊發則磐溪先爲切近之災耳

官溪都於邑治爲南境距邑二十里有紫峰者三峯連翠爲巒爲巘  
周遭數十里又三十里更有分巾山一支越潮陽之鐵山連岫百  
餘里而起者曰大尖山其巨靈之伸一臂乎

南北二水自陸豐長樂經三山曲折奔流合普寧與霖田之水以匯  
於邑北條之水起長樂豐順挾飛泉諸嶺之水以俱來潞洄環抱  
行浦灣而合流入海二水俱通潮汐以上下邑之舟每候潮而始

揭陽縣志

卷之一

疆域

十三

行吳越之岢峨大艘亦乘潮而泊城下明季山賊猖獗勾引海盜  
入寇殘虐蹂躪民不堪命後以築砲臺於舖前青嶼扼其咽喉閩  
賊始少戢然玉窖一溪實通二水而二水之流類多小港縷析絲  
分不可紀極合邑村鄉水皆繞城江上客船騫遭任客剽掠而去  
入港則百折千環出沒難迹是東南郡邑保城守土在揭爲尤難  
也今舖前青嶼立有砲臺設兵巡哨海防之計豫矣惟飛泉三山  
之間絕壁懸崖攀援難越深巢窮竇樵牧不經而數邑附山之民  
免走猱升如履平地苟有宵小潛藏其間米鹽易濟少不及稽聚  
久人衆卽足爲患雖扼險守隘亦有汎防然羣山遙隔地僻境幽  
縱加意巡查恆慮鞭長弗及識者謂宜於猴子洞之麓相其險要  
立大營設重兵以爲彈壓而於所出沒之逕分兵置汎以守之間



有逋逃望谷而逸然丹梯未上縲絏已施卽潛而華路啟道嚴其  
接濟二釜不給終鳥獸散此其說不獨揭利也潮之近山諸邑惠  
之陸豐嘉之長樂並受其福云



## 山川

淮南子地形所載山爲積德川爲積形邱陵爲牡谿谷爲牝土地各從其類生輕土者多利重土多遲湍水人輕遲水人重皆象其氣以應其類牛蹄之涔無尺鯉類唐之山無丈材粵處東南偏隅揭尤偏隅之彈子然名峯秀嶺峻削龍從綿亘於封圻者不可勝紀且去海最近洪流曲支導粹納和鄉城胥潤故氣類所感自宋明以來或鍾廉隅方正或產鯁直忠良或毓瀟洒出塵之彥所稟不齊要皆礪硤英多胸無滯礙詳著其名於冊俾生斯地者仰巘峙而厚磨礱俯川流而深被濯至於明心似水立判如山則願與邑人士共勗之

揭陽山距城西北九十里形勢岩嶢高約六百丈周圍四十里南北

揭陽縣志

卷之一

山川

十五

兩支分抵興寧海豐境縣之主山也或以爲揭嶺誤矣

獨山距城西一百四十里高約六百五十丈周圍三十里南溪源經其下

明山距城西一百五十里高約七百丈周圍四十里山麓有明貺廟半山天竺巖有石穴相傳有三神人出此

巾山距城西一百五十里狀如巾故名高約七百丈周圍三十里懸崖陡壁有徑通長樂曰七成徑盜賊出沒之所蓋關隘也山頂有石巖內鐫巾子山白雲巖三山國王數大字相傳隋時有三神人顯化因立廟以祀宋藝祖時敕封三山國王加賜額曰廣靈三山國王詳藝文

仙徑山距城西北一百五十里脉連三山形加覆盆相傳有仙過此



故名山南有巨石卓立如屏色黑則霽明則雨鄉人以卜陰晴  
龍礫山距城西五十里勢甚聳拔高約六十丈周圍六十里雖盛暑  
涼氣襲人

馬尾礫山城西七十里奇峯插天峯頂飛泉下注擊撞石磴白霧彌  
天狀似馬尾故名

崎嶇大照山金鉤墟內城西五十里

已上俱在霖田都

飛泉嶺距城八十里極界脉自揭陽山來形勢岩嶢壁立百仞周迴  
數十里層巒疊嶺人跡罕至絕頂有泉湧出飛空而下其麓達陸  
豐長樂之境一曰揭嶺裴淵廣州記以爲此秦戍五嶺之一蓋潮  
惠之關隘揭陽之北門也宋邑進士鄭國翰嘗作攬勝亭於其間

揭陽縣志

卷之一

山川

十六

朱子過訪之書落漢鳴泉四大字揭諸亭并留題有一路風煙春  
淡蕩數聲鷄犬野人家之句見藝文嶺今割屬豐順縣

黃岐山距城北十里高約二百丈周圍五十五里脉自馬鞍山來土  
色黃故名絕頂有石塔有石湖湖有泉四時不竭旱禱之夏泉以  
驗雨晴多人題詠詩見藝文

竺岡山在黃岐山北上有巖山中羣石嵯峨有大石覆其頂寬廣可  
容數十人宋邑進士陳希伋嘗讀書於此有石刻陳夫子巖四大  
字巖內有佛像左右有文昌閣元帝廟靜者菴侶雲菴諸勝每歲  
上巳士民多往遊焉

松岡巖卽崇光岩也在黃岐山西石上有榕樹其岩二洞有石門左  
右構禪室中爲元帝廟



五房山距城北四十里高約四百丈周圍七十里脉自揭陽山來多竹木亦產鐵礦寇盜時竄伏其間

琅山距城二十五里脉自飛泉嶺來最高兩峯狀如馬堆石如瑯玕因名俗呼羅山山麓有福成寺今廢址侵於民乾隆二十八年知縣王鑒倡建書院於其處

蘇姑山距城西北七十里雙峯連起有奇石蟠地人行鐺鐺有聲因名磅礴石高約六十丈延於深潭水底結石室漁人嘗索魚於此鄉有逸叟愛此山之勝常陟其巔曾於風露淒淒冷氣襲人之時聞隱隱有吟詠聲或以爲姑仙現神云

馬鞍山距城北二十里以形名高約二百丈周圍約二十里瘦牛嶺距城北一百里脉自揭陽山來一名雲落又名東桃

揭陽縣志

卷之一

山川

十七

按三陽圖志載本縣界西曰東桃嶺卽此又城池記曰瘦牛嶺環于西舊傳有銅鐵佛像寶貝之異舊郡志誤載於海陽宋楊誠齋過此有平生不慣乘肥馬老去須教遇瘦牛之句與狀元黃公度詩并載藝文

已上俱在藍田都

桑浦山距城東南一百里突起海濱高二百丈周圍五十餘里跨海揭澄三縣之地屹然東南巨鎮也中多奇花異鳥有洞曰桃源曰小桃源有巖曰寶雲曰白雲有寺曰無相曰內觀曰甘露曰弱水曰龍山山頂有三石塔今廢有大坑池孝廉李日森有詩見藝文鄒堂山距城東南五十里高約五十丈周圍三里昔有隱士居此故台遺址猶存



菱池山距城東南五十里高七十丈周圍二十里脉自桑浦山來三峯插天中有池數十畝巖谷泉石林木之勝爲諸山冠下有巨石形如獅子腹中可容千人好事者以杖扣之其聲響應

錢岡山距城東南五里脉聯桑浦山上有烽堠

雞籠山距城東南六十里諸山皆險仄獨此端正員崢宛似雞籠有徑不便於人行嘉靖十二年鄉進士薛侃倡修之有文見藝文郭處林山距城東南六十里脉自桑浦山來樹木陰鬱居民每以山吼預占風雨有石室中有牀

已上俱在地美都

紫峯山距城南二十里都之鎮山也高約一百八十丈周圍三十里西南界普寧黃坑都竹浦廣蔡等山西爲浮邱山宋太守彭延年

揭陽縣志

卷之一

山川

十人

墓在焉又爲石頭山爲雙梧山爲湯前山山有岩有明宗岩三大字刻於石西南爲北山徐太守之墓在焉路通湯前岩三峯秀拔當邑治前昔人避亂於此遺竈猶存

北山岩在紫峯山之左高四十丈周圍二十里有洞甚深邃與湯前通岩中寬廣可容數十人內有佛座前有石二丈許宛如牀榻岩石口有僧舍遺址岩側有流泉奇石磊砢亦一佳勝也

仙橋山距城南十里紫峯之支山也高約一百七十丈周圍二十里峯巒尖聳樹木蒼鬱北爲大墳前山東爲硫岡山下臨仙橋渡三山之間有逕亦要衢也

筆架山浮嶼內距城南十里四面無山阜突起三峯狀如筆架俗名紫陌山頂曰浮平



茂林山去筆架山三四里平原中突起奇峯行百餘步鬱爲林麓面對大尖山下臨澄潭水濱多奇石有似螃蟹兩螯者鄉太史鄭一統有詩見藝文

大尖山距城南三十里脉自巾山循潮陽鐵山而來聯岫百餘里陡峻不可躡其山陽卽潮陽界有逕可通俗呼爲燈搭嶺

石水岡距城南三十里古溪之源也有石廣袤百餘丈自山迤邐而下泉從中降澎湃喧沕聲聞數里石上有酒缸藥竈仙人跡下匯爲潭深可四五丈許

已上俱在官溪都

梅岡山距城東北三十里高約八十丈周圍十五里梅岡都鎮山也挺拔秀異有梅岡第一山五大字刻於石與橫山涵頭山相近

揭陽縣志

卷之一

山川

十九

亭山卽古尖山並峙梅岡山迴環官碩逕前左右有梅閣山龜山紅山距城東北十餘里土色赤邑有版築皆取其土爲墻垣虧去四之一宜示以厲禁

大脊嶺距城東北四十里海揭分界高聳如屏楓溪水經其下有牛程橋西南麓有石嵯峨竦立名騰龍塔

已上俱在梅岡都

登岡山距城東四十里宋孫道者飛昇處地瀕於河路多窪濕行者爲病乾隆二十六年通判署縣事黃大鶴倡修之又地爲迤東孔道凡羽蓋往來必經於此向皆借宿民房乾隆四十二年知縣劉業勤捐買黃氏糧田創建公館三棟於其地

桃山距城東四十里西南旁有小山類桃故名



白石山距城東三十五里唐時曾出白象

已上俱在桃山都

雙山距城西二十里高約二百丈周圍約二百里脉自崎山來西峯並峙巔有巨石高十餘丈狀類笏寶山禪林在其麓卽雙峯寺之祖山也山陰有鄉厲壇今侵於民

已上在磐溪都

玉窖溪在縣前後通南北二溪南溪發源魚梁灘北溪發源瘦牛嶺會於浦灣渡南入於海餘派旋繞縣署滌迴頻官漸爲居民填咽侵佔宏治十六年知府葉元玉因縣民黃澄等呈請勘丈開通并清復官路行知縣王愷勘報勘得南北二窖係衝要處所船隻往來貿易輻輳窖內古制俱有橋門三間窖水四丈兩旁官路各一

揭陽縣志

卷之一

山川

二十

大河寬岸坦向最便民近被豪強侵佔以致河身逼仄船隻難涉往來爭先每每互鬪滋事及潮退之時河狹水急屢致衝崩窖門關係不小允宜脩復古制奉府如詳批斷河面須寬四丈兩岸官路各寬一丈若不合原定丈尺雖一寸難容着卽將侵佔之家門首石條盤還舊岸至萬歷三十一年復多侵塞知縣汪起鳳清查舊道悉爲濬之以其土填補觀音閣之右砂 國初復塞康熙三年總兵栗養志復濬之僅及其半十六年兵備道仇昌祚憫窖道壅塞兩督官民開濬未及十之二三而止二十六年知縣鄭濂疏濬一次日久民於溝上佔作市廛仍舊填塞水多不通乾隆四十二年知縣劉業勤飭令析毀濬其淤淺溪流始克無碍

南溪在縣南發源於陸豐長樂分界流經三山沿河婆百折而東過



玉窖至浦灣渡會北溪以入於海其水利則屬揭陽不屬潮陽詳府志

北溪在縣北發源長樂界流經貴人飛泉諸山東合石磴循梁大羅諸水過玉窖至浦灣渡會南溪入於海

雙溪口距城三十餘里南北兩溪會於此天啓間因海寇闖入乃填石於溪中以扞賊舟凡七堆名爲七星石

中離溪距城東南六十里先時龍溪鮑浦蓬州之民至縣治勢必航海多風濤漂覆之患嘉靖乙酉鄉行人薛侃謀疏小港于內地以告郡守王袍主簿季本役二邑七都之力以濬起龍溪迄桃山爲道二十餘里民甚便之侃有勒石文云此溪一通農者利灌商者利販居者利運行者利舟楫蓋鄉願也予相其可以告府主王南揭陽縣志

卷之一

山川

二十一

湖南湖曰然命經歷涂竹泉董之而鄉薦士林孚中亦協相以成噫是舉也天應異精地應異物動七都之衆盡數月之勤良亦難矣後之人其嗣濬之庶此溪之利永也今屬海陽

龍潭距城西五十里四面諸山環合陡拔插天積水如鏡深不可測中有石修廣二丈餘俗呼爲龍牀雖盛夏至此寒冽襲人遇旱曠祈禱輒應

湖口溪距城六十里發源崎山龍礫諸山會於斗籠潭入南溪

梅岡溪在梅岡都距都北二十里一名曲溪發源長布畚而流於東南經楓口會官溪入海

楓溪距城東北三十里發源鳳城西湖山流經牛程江至楓口入于北溪



浦口溪距城西南十五里發源田心山至石頭山入於南溪

古溪距城南一十五里發源普寧界廣蔡山流于東北經仙橋渡會梅溪入南溪

石馬溪距城西南十里南溪中有石截江而渡其形如馬激潮怒濤聲聞數里鼃鼃多伏其下

深浦溪距城三十里發源藍霖西山諸澗至北寨巡司舊址入於北溪

桃山都距城三十里隄自鸞波亭起至地美都鄒堂鄉與澄海入斗鄉隄交界長八千二百四十六丈內自鸞波亭起至砲臺長二千三百一十九丈自砲臺埠起至地美都青溪鄉長四十丈自青溪鄉起至燒灰塢長九百三十三丈自燒灰塢起至錢岡長三千一

百二十五丈自錢岡起至澄海縣入斗鄉計長一千八百二十九丈

洪溝堤在霖田都距城六十里東起洪溝橋西止赤嶽長十里有奇障田地數百頃洪武間都民朱廣奏築嘉靖六年主簿李本重修湖陂在藍田都距城西北九十里溉田殆百頃鄉人歲共築之一名李廣陂

京岡堤在漁湖都自員鏡塢東起至林西港塢止長十五里有奇高七丈禦鹹引淡鑿田十里許溉障田數百頃乾隆二十六年鄉紳孫容光等倡築



## 古蹟

縣治入景洪武間知縣蔡善記曰兩溪明月黃岐晚翠南溪魚歌釣鰲仙蹟紫峯春曉玉窖喬榕雙峯晚鐘譙樓曉角諸題詠皆無傳崇正五年知縣陳鼎新與鄉太史郭之奇更曰金城榕色玉窖棉陰紫陌春晴黃岐曉翠兩溪明月雙洞疎煙元塔登高鰲橋釣浪題詠俱見藝文康熙二十六年知縣鄭濂增入飛漢鳴泉桑巒砥柱去金城榕色玉窖棉陰二景但今飛泉嶺已隸豐順桑浦砥柱名近牽強乾隆二十六年署縣黃大鶴繪入景圖又仍照洪武間蔡令所記要之景致無多不過纂言者好爲塗飾履行改易反失其真不若從古之爲愈

見山亭嘉靖間訓科宋曰德作於城東有四景曰岐山飛翠榕水清

## 揭陽縣志 卷之一

古蹟

二十三

流棉橋風詠野亭輟耕邑歲貢郭鳳舉因爲作碣云亭不在山無山景俗山不在見無見景虛俗則滯有有非真有虛則淪無無非真無滯有迹粗權謀術數淪無夢幻黃老達摩有無相感保合太和山亭靜對養真如何監生宋佳實詩有驅石每疑秦事杳乘風宜納魯沂涼之句題詠甚多見藝文

印星在南門外山川壇側溪中狀如浮印歲久堙塞天啓間知縣馮元颺議濬舉人陳光朝等十一人醵貲買黃氏舖地疏通之以助形勝

觀音閣在縣外東南萬歷間知縣潘應龍建前面長江後枕粉堞遠望煙村雲樹都如圖畫爲縣治印砂梵音鐘鼓晨夕時聞遊人多聚會焉



中山石穴隋時三神人出現於空中旋置祠致祭與明山獨山合名三山禱雨輒應宋時封爲王賜額明貺

界石東潮西惠以石爲界石甚靈異唐吏部韓愈守潮日爲文祭之曰惟封部之內山川之神克庥於人官則置立室宇備具服器奠饗以時淫雨旣霽蠶穀以成織婦耕男忻忻衍衍是神庥庇於人也敢不明受其賜僅選良月吉日齋潔以祀神其鑒之

仙徑洞其實僅容人行行數十步空洞寬敞有泉流其下好事者燃炬而入見石上懸衣摸之卽成灰有拾得銅錫諸器者或曰古避世地也

張陸渡尖山下相傳宋太傅張世傑丞相陸秀夫師經於此中有井號宋帝井滄然仰出清澈可鑑毛髮至今都民猶備牲醴往祀之

揭陽縣志

卷之一

古蹟

二十四

天竺巖康熙二十一年僧海音同山主生員韓曰唯陳聖時重裝佛像并建觀音閣一棟於巖後

已上俱在霖田都

小有洞天在侶雲菴左僧寂昇於榛莽中出之巖青石古有一隙斜通上界其下可坐數人崖半鑿以小路石罅處鐫小有天三字雨後始現晴明苔封則不能辨蓋秦漢時岩居也

陳夫子巖在竺岡山有聯云仙客有靈千古在洞門無鎖四時開至今風雨之夜猶聞絃誦之聲焉

崇光巖在黃岐山中有石室甚幽邃谿泉鳴咽兼有亭閣古木蘭巖在黃岐山後康熙初有跛足僧愛其地幽翳巨石嶙嶒可爲巖披榛而入得古人所藏鐵鎚鐵斬因芟去荆棘鑿石爲堂高二丈



餘

釣台明隱士羅洪垂釣處也在上陽山水下口有巨石曰望牛洪徜徉山水間輟耕吟詠時撫之以盤桓石因以名有和人歸田詩百詠知縣陶楨見而愛之因造其廬相與登台憑眺舊址至今猶存邑中詩人往遊多留題其上

挹翠亭在黃岐山西高踞山椒俯臨泉壑朱薔畫棟掩映林巒翠靄蒼煙光浮几席乾隆二十六年署縣黃大鶴建有詩見藝文

已上俱在藍田都

彭大理故宅在浦口村彭延年宋廬陵人治平間由大理少卿謫知潮州值儂智高反遠近人驚風鶴城晝閉爲鑿三十六泉以資汲引倭寇亂射殺其魁事平晉大理寺卿元豐間占籍揭陽以老有

揭陽縣志

卷之一

古蹟

二十五

村居詩五首見藝文今子孫散處而居浦口者尙多彭姓

紫峯菴卽湯前岩有溫泉故又名湯前菴其地種茶大類松蘿隱士游息勝處也

南溪精舍南溪濟渡處西偏明解元林昶子繼業建行人薛侃與同時鄉賢楊瑛吳繼喬楊維執陳瑛諸公講學處郭鳳舉彭一高有詩見藝文

紫坡台在筆架山之陽一名紫陌明邑御史鄭一初讀書處也有聯云萬卷講皇王帝霸格天事業屬儒生四時詠雪月風花樂地情懷歸隱士弟太史鄭一統詩有煙光繚繞苔痕古晚翠騰凌栢幹多之句南海某茂才詩乾坤隨處有書台到處無書眼始開何似紫坡山裡好主翁終日自歸來



明宗岩北山岩

已上俱在官溪都

桃源洞小桃源洞桑浦山中有棋枰丹灶巨人跡化靴石仙人對膝跡

青嶼在地美都瀕海之處奇石嵯峨皆成勝狀可釣可遊似江南采石磯今設營寨

閣筆山在鄒堂鄉中有石室幽靜可人

已上俱在地美都

勸農所在南安堂址久廢

涵元塔在漁湖都界潮陽客埠山上爲縣之巽方天啓七年知縣馮元颯倡建以增形勝有聯云印光西渡浴南離瞻壁曜奎躔瑞應

揭陽縣志

卷之一

古蹟

二十六

當年舟楫魁壘東騫儀北斗首烽銷櫓息淳還滿地桑麻工未竣而去崇正十三年邑令倡率紳士落成凡七級高十六丈廣十八丈并建菴於山椒有詩銘見藝文

已上俱在漁湖都

雙峯古寺在雙山宋紹興庚申僧法山創建至僧石山移建於縣治東隅馬山巷

夾山湖三陽志載揭陽地一日夾水湖有龍蟠水中長五尺餘鱗甲爛然身首爪皆帶微紅色鱗赤色今失其處

廢吳西窖在縣西南天順間填塞民病焉萬曆間復開未幾又塞



津梁

太平橋在譙橋門外廣二丈高八尺成化元年知縣陳爵建  
五桂橋在嶺東道前廣一丈五尺高七尺

北窖橋卽石獅橋在縣治西一百五十步古三洞中廣二丈五尺高  
一丈五尺左右爲居民填塞旁有石獅子故名成化元年知縣陳  
爵建

新橋在縣治西百步古三洞中廣二丈五尺高一丈五尺左右爲居  
民填塞

東橋在縣治西南二百步三洞中廣二丈五尺高一丈五尺左右各  
廣一丈

南窖橋在縣治西南二百五十步三洞中廣二丈五尺左右爲居民  
揭陽縣志

卷之一

津梁

二十七

填塞

已上四橋俱跨玉窖溪

猛水橋在玉窖西兩水合流其勢湍急故名古三洞中廣二丈高一  
丈三尺宏治時左右二洞爲居民填塞舟楫不便往來

馬山橋在馬山巷跨馬山窖水廣二丈五尺高一丈二尺

吳西窖橋在朝天坊跨舊吳西窖水廣二丈高一丈二尺主簿季本  
有聯云敵樓當一面活水澤千家

學前橋在儒學前左廣二丈高九尺

田尾橋在縣城隍廟前左廣二丈高一丈

季雨橋在南市尾廣一丈三尺高壹丈有明鄉宦黃一道記見藝文  
韓祠橋在韓祠前右崇正庚午知縣馮元颺建



進賢門內橋前架木爲之今築以石

進賢橋在進賢門外

南津橋在南門內成化元年知縣陳爵建今爲居民墳塞

迎恩橋在東門外一十步廣二丈高一丈五尺成化元年知縣陳爵建

北門橋

北鎮橋在北門外廣二丈高壹丈五尺成化元年知縣陳爵建

西門橋

西清橋在西門外一十步廣二丈五尺高一丈八尺成化元年知縣陳爵建

釣鰲橋按一統志在縣西二里昔有人過此題云桃花浪暖禹門高

揭陽縣志

卷之一

津梁

二十八

平地雷聲驚怒濤願借天家虹萬丈垂鈎直下釣金鰲其人手持桶箍二圈題訖忽不見因以名橋好事者以爲二圈者呂字也遂相傳爲呂洞賓仙跡康熙三十二年知縣蔡端重建

化龍橋在漁湖官舖之左宋咸平二年鄉民陳翁建長四丈廣壹丈都民有利風水者築路于北行者迂之控府治其罪嘉靖戊子鄉民共脩橋岸尋潰萬曆辛亥知縣潘應龍重建相傳有黑鯉化龍于此故名

吉貝浦橋在漁湖都去縣治八里久廢嘉靖戊子鄉民重修尋圯萬曆辛亥知縣潘應龍重修未幾又圯後復修築

接龍橋在漁湖林西港三洞長四丈餘廣七尺橋頭兩旁灰路數百餘丈乾隆十三年貢生孫庭俊等倡建



西港四橋爲南條中路日久崩陷乾隆十六年貢生林振湖修築  
萬里橋在桃山都海揭分界去縣治四十五里三洞廣各二丈五尺  
高二丈宋紹興八年都民翁元建

登岡橋在桃山都五洞廣各二丈五尺高二丈嘉靖壬辰鄉賢薛侃  
倡建

官路橋在桃山都三洞廣各一丈三尺高壹丈嘉靖二十壹年知縣  
王鳳重建

龍頭橋在桃山都地美之界去縣治四十里嘉靖丁亥主簿季本重  
建

市尾橋去桃山驛東一百步廣三丈高二丈三尺旁爲居民填塞舟  
楫病之

揭陽縣志

卷之一

津梁

二十九

東集橋在桃山都去縣治四十里五洞各廣壹丈五尺高壹丈二尺  
嘉靖五年知府王袍重修

水棉橋在梅岡都海揭往來古路水自清溪來正流咽塞其支流滙  
注於此勢甚洶湧非徒杠可濟舊有橋以渡嘉靖間郡丞劉秉鑑  
始修廣之而推官羅元正通判姚翰相繼踵其成焉士人因呼爲  
官橋

午程橋卽嶺坑橋在梅岡都去縣治四十里海陽分界宋咸淳三年  
鄉民李崇建長五丈廣八尺

龍門橋卽尖山橋在梅岡都去縣治三十五里元至正三年鄉民邢  
孔禮建今廢

大窖橋在梅岡都海揭分界去縣治四十五里一十五洞廣各二丈



五尺高三丈宋大觀五年鄉民翁元建

羊稠岡橋在霖田都去縣治三十里元祐間建久廢

天紳石橋在霖田都鴻溪三洞長八丈廣六尺橋南北灰路自棉湖起至山尾止計九里乾隆元年舉人陳元才建築

棉湖橋在霖田都外通鴻溝長六十餘丈今廢

深浦橋在磐溪都去縣治三十里長五丈廣九丈宋元祐七年鄉民姚子信建久廢

竹橋在磐溪都去縣治二十里久廢嘉靖庚寅鄉民洪尙仁等建萬歷丁丑鄉耆鄭一箴倡衆重建尋亦圯

大溝橋在磐溪都去縣治八里宋咸淳三年建久廢萬歷丁丑鄭一箴募衆重建尋圯天啓元年其子監生鄭金倡修如舊

揭陽縣志

卷之一

津梁

三十

官溪橋一名硫岡仙橋在官溪都去縣一百里凡十洞元至正三年邑進士黃點建長二十一丈廣一丈三尺久廢相傳今府城衛前太平橋是其舊梁

城北石橋在進賢門外并築灰路自門外起至海陽交界止計五十里

打鐵鋪石橋在漁湖都

菴前石橋在漁湖都

院前大陂溝石橋在桃山都

木瓢山脚石橋在桃山都

太僕寺碑下石橋在桃山都

蔡坑石橋二處在桃山都



小官橋在桃山都

蛟湖石橋在官溪都并築灰路自東門渡起至普寧交界止計二十五里

徐厝嶺石橋在官溪都

屯埔石橋在官溪都

已上各橋路俱乾隆十二年知縣劉業勤捐修

鸞波渡卽官渡漁湖桃山界往郡要津河廣渡遲獨客自郡回遇晚往往不得渡曠野之間時被劫奪有司宜以時稽督之舊有鸞坡鳳坡二亭康熙三十三年知縣蔡端重修乾隆四十三年知縣劉業勤捐置渡船一隻并撥渡夫三名

隴頭渡在漁湖都梅岡界

揭陽縣志

卷之一

津梁

三十一

舖前渡去桃山驛七里爲揭潮通衢界有坊扁曰揭陽古渡閩廣通衢

馬牙渡在北關外爲南北要津桃山地美梅岡三都孔道也雍正七年知縣陳樹芝捐俸委典史金雋督修渡口大路築塘五十餘丈北溪渡在北門藍田尖浦界

拱北樓渡在北門外先是黃姓糧渡乾隆四十二年知縣劉業勤捐買造爲官渡并置渡夫三名專載棺柩

南溪渡在南門官溪界

東門渡在東門外漁湖界雍正七年貢生羅孟震等募修渡口灰堤四十餘丈乾隆四十一年知縣劉業勤重築灰堤并築兩旁馬頭捐置渡船一隻夫三名



城津渡在縣治渡夫二名

玉窖渡在梅岡都渡夫三名

龍門渡卽尖山渡梅岡都桃山界渡夫三名

問津渡在梅岡都海陽大和界渡夫三名

橫山渡在梅岡都

龍鬚渡在藍田都西北通江西汀州乾隆二十四年監生邱世綸捐置渡船一隻旁建小亭并捐田七畝給渡夫爲養贍後以工食不足復捐田五畝八分都人義之

馬坵渡在霖田都

洋尾渡在霖田都普寧黃坑界

井尾渡在霖田都

揭陽縣志

卷之一

津梁

三十二

棉湖寨渡在湖口司前渡夫三名

東村渡在磐溪都藍田界乾隆八年知縣熊約祺建渡亭

白銀渡在磐溪都官溪界爲土豪霸佔勒索人視爲畏途雍正八年署知縣吳觀光捐置船二隻募夫四名兩岸蓋亭各一間行者便之

靛行渡在西門右前爲土豪所佔雍正元年奉撫憲禁革勒石永爲官渡以便民其糧米歸附近數鄉完納渡夫三名

神山大浦渡在磐溪都明季宏農衛經歷王之瑀捐貲十兩於兩岸渡頭醵石復以募銀僱夫開擺維艱乃捐田二十畝每年租穀三十石半以給夫工食半以修船器用并立規勒石以垂永久行人至今德之



仙橋渡在官溪都乾隆二十二年知縣黃元基建亭四十三年知縣劉業勤建造渡船一隻并撥夫三名

馬道向在城東地短促馬射不能三矢乾隆四十三年知縣劉業勤移置城西榕江書院後并建鵠亭及馬王廟計長一百五丈寬二丈五尺共費銀五百餘兩形勢開展視昔大爲改觀生童俱樂就此習射



都鄙

周時都鄙之制土其地而畫以方數起於九鄉遂之制起於伍而加以聯數成於什司徒域其民以處田廬桑宅皆有授又設閭胥黨正之屬以啓迪之故其說易入而教易行也說者謂市民多玩野民多頑近民多游遠民多雜貧民多惰富民多奸山民多梗水民多弱著民多孱流民多叛從昔然矣今欲仿成周之制誠知其難然三代不易民而治秉彝之性厥賦則均所貴師古而不泥古毋使些窳偷生壹醉日富因其俗而施其教庶閭閻日有起色耳在城曰坊在鄉曰里揭在城爲畱四糧里二民里二〇

按揭邑向以糧爲里長以民爲稅長以白畱爲夫長各都皆有糧里民里之辨所以城坊之畱亦有糧二民二之分也他郡邑則都

揭陽縣志

卷之一

都鄙

三十四

有堡堡有畱畱有甲以糧多者爲甲長爲殷丁使督催一甲之糧十甲爲一畱惟潮郡獨異按畱音鄙卽都鄙之鄙今俗誤讀爲圖有徑寫圖字者尤誤

城坊七

解元坊

朝天坊

魁元坊

攀龍坊

魁隆坊

椿桂坊

達道坊

城坊街巷

宣化街

門通南

學前街

門通進

關爺前街

橋通新

北門街

門通北

新街

街在東

打銅街

街通新

城隍巷

尾通田

史巷

邊通

木坑宮巷

坑通木

東橋巷

橋通東

南市巷

口通

馬山巷

門通東



永寧鄉漁湖桃山地美  
官溪凡四都

漁湖都爲畝十糧里二民里八在縣治之東爲村六十有七典史分

管

鳳坡距縣二十五里

港下距縣十五里

塘口距縣十五里

隴上距縣二十里

港尾距縣十五里

圓鏡距縣十五里

港口距縣十五里

京岡距縣十五里

潮尾距縣十五里

新寮距縣十里

義和距縣四里

鳳圍縣東門

欖松距縣三里

下港距縣四里

梅子兜距縣八里

鍾厝梅距縣十里

平溝距縣二里

許厝洋距縣二里

東溪南距縣五里

西溪南距縣五里

菴前距縣十里

張厝洋距縣五里

李網距縣十里

曹厝洋距縣八里

揭陽縣志卷之一

都畝

三十五

袁厝寨距縣十里

官溪洋距縣八里

仙洋距縣五里

和美距縣三里

西港距縣八里

泗水縣東門外

河上距縣三里

厚和距縣三里

廖蔡洋距縣九里

舖子距縣十里

盧頭距縣五里

後洋距縣五里

塗寨距縣五里

枋橋頭距縣五里

白宮距縣七里

港角距縣五里

竹林距縣五里

內距縣七里

火燒距縣十里

港墘距縣四里

南洋距縣十里

埕底距縣十里

溝尾距縣十里

許厝圍距縣十五里

鄞厝寮距縣十五里

上巷距縣四里

河頭距縣十里

市頭距縣十五里

新路距縣十二里

塘口市距縣十三里

窖子距縣十二里

塗厝港距縣十二里

路尾距縣五里



菴後 距縣二十里

後宅 距縣十里

龍砂子 距縣二十里

埔上 距縣三里

狗吠寮 距縣二里

圍尾 縣外北

絃歌重鎮 縣外北

蕭厝圍 距縣十五里

打鐵舖 距縣二十里

烏石 距縣十里

鳳林 距縣七里

桃山都爲畝十一糧里三民里七內七十兩鄰無在縣治之東北爲村一百零

四北寨司分管 鄰無糧里民里者爲白鄰

東洋蕭 距縣十里

曾厝洋 距縣十五里

上寮 距縣十五里

浦口 距縣十里

黃厝洋 距縣十五里

洋尾 距縣十五里

渡頭 距縣十里

新寮 距縣十里

官田 距縣十五里

南潮 距縣十里

方坑 距縣十五里

東嶺 距縣十里

塘邊 距縣十里

彭厝溝 距縣十里

灣波 距縣十里

揭陽縣志

卷之一

都邑

三十六

小練 距縣十五里

涵頭 距縣十五里

豐溪 距縣十里

蔡坑 距縣十里

蘇坑 距縣十五里

富岡 距縣十里

楊淇 距縣十里

許畔 距縣十里

後埔 距縣十里

東浦 距縣十三里

林鄉 距縣十三里

石厝洋 距縣十里

溪邊 距縣十三里

登岡 距縣十里

桃山鄉 距縣十五里

潮尾 距縣十五里

范厝洋 距縣十五里

港內 距縣十八里

居谷坑 距縣十五里

林馬 距縣十五里

夏潮 距縣十五里

白石 距縣十五里

院前 距縣十三里

塘北 距縣十五里

呂浦 距縣十里

埔子 距縣十五里

東溝 距縣十里

柯畔 距縣十五里

上塘 距縣十七里

東集橋 距縣十八里

深洋 距縣十五里

市下 距縣十里

人家尾 距縣十二里



劉畔 十距縣五

後畔 十距縣五

孫畔 十距縣二

林畔 十距縣五

後巷 十距縣五

陳厝洋 十距縣四

胡厝 十距縣三

廣利 十距縣五

邱厝 十距縣四

張厝 十距縣四

方厝 十距縣四

許厝 十距縣四

溝內 十距縣五

下鄭 十距縣五

菴頭 十距縣五

姚厝 十距縣四

竹林宮 十距縣五

埔上 十距縣五

溝邊 十距縣五

洋子 十距縣五

下埔 十距縣五

周厝潮 十距縣五

鋪下 十距縣五

下者亭 十距縣五

雙望 十距縣五

浦尾 十距縣六

溝頭 十距縣五

新厝子 十距縣三

仙溪院 十距縣六

店下 十距縣四

邢菴 十距縣六

朱厝洋 十距縣五

黃西 十距縣六

蕭畔 十距縣五

白蓮 十距縣五

林酒 十距縣五

楊厝後 十距縣五

呂畔 十距縣五

西寮 十距縣五

溝尾 十距縣五

田寮 十距縣五

河溪 十距縣五

西淇 十距縣五

雙溪 十距縣五

洋東 十距縣四

白宮 十距縣五

埔頭子 十距縣五

程厝洋 十距縣四

鰲頭 十距縣三

洪溝灣 十距縣五

菴後 十距縣四

洋背頭 十距縣三

嶺子 十距縣四

砲台埠 十距縣四

郭畔墟 十距縣五

鳳翥鋪 保鋪塘

地美都畝八糧里三民里四 內無 在縣治之東爲村五十五北寨司

分管

洪岡 十距縣五

塔岡 十距縣五

錢岡 十距縣六



青嶼 十距縣六

鐵場 十距縣五

洋中 十距縣五

南隴 十距縣六

楓朗 十距縣六

鄒堂 十距縣六

黃坑 十距縣八

石牌 十距縣四

鳳鳴 十距縣四

華尾洲 十距縣八

蕉川隴 十距縣八

龍頭 十距縣四

蕭畔 十距縣四

港邊 十距縣四

陳鵝 十距縣四

溪頭 十距縣四

金厝寮 十距縣六

碑頭 十距縣五

路邊 十距縣四

下隴 十距縣四

玉窖 十距縣四

上站前 十距縣四

下站前 十距縣四

遐年 十距縣四

燒灰 十距縣四

蛟龍橋 十距縣四

下埔 十距縣四

上埔 十距縣五

埔尾 十距縣五

山尾 十距縣五

下岡 十距縣五

上岡 十距縣五

雙港 十距縣五

揭陽縣志

都邑

三十八

土尾 十距縣五

石港 十距縣五

外隴 十距縣六

後田 十距縣五

坑員 十距縣五

坑尾 十距縣五

南坑 十距縣五

鯉魚形 十距縣六

新埔 十距縣六

翁寮寮 十距縣六

口坡寮 十距縣六

東坑寮 十距縣六

西坑寮 十距縣六

溝尾 十距縣六

溝頭 十距縣六

溪頭 十距縣七

大瑤 十距縣七

龍浦 十距縣四

崇義鄉 梅岡藍田霖田  
盤溪凡四都

梅岡都爲畝九糧里一民里九在縣治之東北爲村壹百零八北寨

司分管

錦里 十距縣三

長隴埔 十距縣二

尖山 十距縣四

梅浦 十距縣三

月潭 十距縣三

翔龍頭 十距縣五



潘厝洋 十里縣三

牛路頭 十里縣三

官碩 十里縣三

寮尾 十里縣四

西洋 十里縣三

福洋 十里縣三

梅壇 十里縣二

象岡 十里縣二

月浦 十里縣三

曲溪 十里縣二

烏石 十里縣二

菴邊 十里縣二

土尾 十里縣二

隴頭 十里縣二

菴前 十里縣二

龍砂 十里縣二

柯畔 十里縣二

橫山 十里縣三

溪口 十里縣二

西港尾 十里縣二

大港尾 十里縣二

牛庭 十里縣三

湖下 十里縣二

山尾 十里縣三

院前 十里縣三

寮頭 十里縣三

龍徑 十里縣三

東後 十里縣三

池厝渡 十里縣三

翁厝洋 十里縣二

大窖市 十里縣五

謝厝坑 十里縣四

東邊 十里縣四

揭陽縣志 卷之一

都邑

三十九

東洋 十里縣四

漢溝 十里縣四

溝東 十里縣四

官田埔 十里縣四

埔尾寮 十里縣三

蔡厝寮 十里縣三

下徑 十里縣二

新鄉 十里縣二

墩下 十里縣二

趙厝埔 十里縣二

菴後 十里縣二

蓮花埔 十里縣三

池厝寮 十里縣三

古者寮 十里縣三

洪厝寮 十里縣三

吳公寮 十里縣三

龍上 十里縣三

嶺後 十里縣三

馬碩 十里縣三

老洋 十里縣三

牌邊 十里縣二

南湖 十里縣二

車田 十里縣三

翁內 十里縣四

蛟南 十里縣三

程畔 十里縣三

洪溝尾 十里縣二

下底 十里縣二

鳳港 十里縣四

啓美 十里縣四

塗寨 十里縣四

墨溝 十里縣四

先生寮 十里縣二



後邊距縣十五里

烏石下距縣三十里

蔡西洋距縣十五里

許地湖距縣十六里

東寮距縣十六里

牛東埔距縣十五里

下底尾距縣十五里

東園距縣十五里

雲門距縣十三里

軍寨距縣十五里

筍竹塘距縣三十里

新安園距縣十五里

半洋距縣十五里

五墩距縣十五里

陳厝寮距縣十二里

崎石距縣三十里

軍田埔距縣三十里

厚埔距縣三十里

官徑距縣三十里

鳳安園距縣十五里

東安園距縣二十里

新塘下距縣八里

坑尾距縣二十里

富尾距縣十二里

蔡厝寮距縣三十里

蓮花心距縣八里

饒平寨距縣十五里

金東嶺距縣十五里

龍背距縣八里

東寮仔距縣三十里

新龍尾距縣八里

埔田距縣三十里

赤鼻嶺距縣十五里

揭陽縣志

都邑

四十

古竈距縣十五里

盧篴距縣十三里

圍尾距縣八里

藍田都爲畝十七糧里二民里十五在縣治之西北爲村二百一十

八典史分管

新河距縣八里

黃淡浦距縣五里

華清距縣五里

上華距縣八里

尖浦距縣二里

城頭距縣拾里

下潮距縣二里

錫場距縣十里

潭前距縣五里

上溪距縣十五里

黃厝埔距縣十里

五更鋪距縣一百里

橫山距縣八里

西岡距縣七里

產湖距縣六里

潭頭距縣十里

浦南距縣五里

石浦距縣二里

山坑尾距縣三十里

金鑑距縣五里

望龍頭距縣八里

大寮距縣五里

錦田村距縣五里

荆山白石距縣三十里



新寮

十距縣三

楓樹寮

十距縣三

新鄉村

十距縣三

分水村

十距縣六

觀水村

十距縣三

新溪潭

十距縣三

雙門聖

十距縣四

潮坡村

十距縣三

洋邊寮

十距縣六

牛運潭

十距縣四

古潭

十距縣三

曲脚松

六距縣

東村

十距縣

登撓坑

十距縣五

黃山頭

十距縣四

黃厝寮

十距縣三

古溪圍

十距縣二

大砂

十距縣三

深泥洋

十距縣五

袁厝寮

十距縣五

鼎潭寮

十距縣四

沙港村

十距縣

東畔寨

十距縣二

九矢山

三距縣十

下港鄉

三距縣

港東鄉

五距縣十

溝口

五距縣

義河村

三距縣

港邊鄉

五距縣十

玉浦村

三距縣

觀潮

五距縣十

石培洋

五距縣十

東山

五距縣十

揭陽縣志

卷之一

都

四十一

碧雲村

五距縣十

尖石寨

八距縣十

塘邊

五距縣

浦邊

二距縣十

嵐頭

五距縣十

新村

五距縣

半洋村

二距縣

崎嶺

十距縣二

官橋村

五距縣十

菴邊

五距縣十

湖下

十距縣二

暗徑

十距縣二

後峯

十距縣三

桐枳樹

十距縣四

崎山

十距縣三

觀音山

十距縣四

洪厝埔

十距縣二

軍屯

十距縣二

浮山埔

十距縣四

新亨埠

十距縣二

山東圍

十距縣二

彬美

十距縣二

碑蜞

十距縣二

大坪埔

十距縣三

網脚地

五距縣十

新笋

五距縣十

永安圍

五距縣十

營前

八距縣

碩浦

十距縣二

山頭

十距縣二

菴前

十距縣二

金厝圍

十距縣二

六房圍

十距縣二



宋厝圍

十里縣二

邢厝圍

十里縣二

仁美里

十里縣二

王厝圍

十里縣二

灰寨

十里縣二

三福圍

十里縣二

蔡厝圍

十里縣二

施厝圍

十里縣二

許厝圍

十里縣二

東龍圍

十里縣二

廣居里

十里縣二

羅厝圍

十里縣二

新舖鄉

十里縣二

鄭厝圍

十里縣四

張厝圍

十里縣二

新地埔

十里縣二

長春圍

十里縣四

陳桃圍

十里縣二

東寮

十里縣四

新龍鄉

十里縣四

劉厝圍

十里縣四

洪厝圍

十里縣五

太平村

十里縣五

圍姑山

十里縣五

上北山

十里縣五

黃厝圍

十里縣五

林厝圍

十里縣五

吳厝圍

十里縣五

紀厝圍

十里縣五

洋邊

十里縣五

牛角林

十里縣五

小坑

十里縣五

溢溪

十里縣四

揭陽縣志

卷之一

都邑

四十二

牽牛坑

十五里四

赤草

十里縣五

崩坑

十里縣三

夏尾

十里縣五

白石

十五里三

樂平

五里縣拾

軍埔

十里縣二

地畔埔

十里縣四

青松

拾里縣三

新春圍

拾里縣四

新春下

十里縣六

五房

十里縣六

坪上

十里縣六

馬料塘

十里縣五

新厝下

十里縣五

下北坑

十里縣七

鳳圍

十五里三

礫尾

十里縣五

象地埔

十里縣七

下圍

十里縣四

上坡頭寨

拾里縣七

皇寧寨

十里縣七

坡頭

十里縣七

中和圍

十里縣七

大寮寨

十里縣七

上坡塘

拾里縣八

湯邊寨

十里縣八

埔子圍

十里縣七

洋磐寨

十里縣八

新興圍

十里縣八

徑頭寨

十里縣八

茅圍寨

十里縣八

屏斗寨

十里縣八



迎上寨 距縣八

九斗埔 距縣八

田步寨 距縣八

鵝屋 距縣八

下隴 距縣七

橋上 距縣七

鴨母湖 距縣七

長灘 距縣七

祠堂圍 距縣七

大嶺下 距縣七

新樓 距縣七

老樓 距縣七

塘背 距縣七

坎上 距縣七

謝厝寨 距縣七

高厝寮 距縣七

石印寨 距縣七

坑半高厝寨 距縣七

楊厝寮 距縣七

鹹水窟 距縣七

上隴寨 距縣七

黃竹坡 距縣七

人家頭 距縣七

羅厝寨 距縣七

石頭塘 距縣七

蛇頭寨 距縣七

馬子腰 距縣七

京溪圍 距縣七

三多塘 距縣七

芋卵埔 距縣七

鄒公圍 距縣七

員墩寨 距縣七

井潭寨 距縣七

揭陽縣志 卷之一

都邑

四十三

石鐵寨 距縣七

石頭墩 距縣七

李厝寮 距縣七

旗頭湖 距縣一百

倉頭寨 距縣一百

永興圍 距縣一百

賴厝嶺 距縣一百

田心寨 距縣一百

柯厝圍 距縣一百

官屋埔 距縣一百

新開田 距縣一百

老屋下 距縣一百

黃厝閣 距縣一百

山下寨 距縣一百

黃滿磔 距縣一百

曲尺鄉 距縣一百

初坑鄉 距縣一百

黃洞湖 距縣九

新翁溪 距縣九

老翁溪 距縣九

大片田 距縣九

上進寨 距縣九

上安圍 距縣九

南斗樓 距縣九

後田鄉 距縣九

合溪鄉 距縣九

池尾鄉 距縣九

長安樓 距縣七

仙浦鄉

乾隆三年割藍九藍十兩畝建豐順撥去二十三村



上陽

黃寨

梁下

碧望洋

吉貝湖

新田村

麻竹坑

小水田

臘坑村

貴田村

石門坑

循洋村

沙坑

埔頭

大山背

黃竹磴

塔下

礫下

大羅村

銅盤鄉

湯坑

黃龍埧

李廣坡

霖田都爲畝十糧里二民里八在縣治之西爲村一百六十五湖口

司分管

棉湖寨

距縣六十里

白虎廟

距縣六十里

塔頭埠

距縣六十里

白銀村

距縣一百四十里

玉塔頭

距縣二十五里

金壩埠

距縣四十里

馬路新埠

距縣七十里

德喬

距縣二十里

河婆埠

距縣一百三十里

下藍

距縣二十五里

義口

距縣二十里

南清

距縣五十里

揭陽縣志

卷之一

都固

四十四

三洲鄉

距縣三十里

東浦鄉

距縣三十里

上岡洋

距縣三十里

馬坵

距縣三十里

盧清鄉

距縣四十五里

浦洋村

距縣三十里

龍湫鄉

距縣五十里

黃桐坑

距縣五十里

山門洋

距縣五十里

巡塘村

距縣四十五里

石坑

距縣五十里

陸子洋

距縣五十里

南塘

距縣四十里

洋稠岡

距縣二十五里

西溪

距縣二十五里

下隴

距縣二十五里

田心

距縣四十里

棉林

距縣二十里

古塘山

距縣四十里

河坑鄉

距縣五十里

後坑村

距縣四十里

坑尾寮

距縣四十里

上洲鄉

距縣五十里

港尾菴

距縣五十里

清溪

距縣五十里

赤巖頭

距縣五十里

湖口村

距縣五十里

潭口村

距縣五十里

官田鄉

距縣六十里

東橋園

距縣五十里

鳳湖

距縣六十里

洋下

距縣六十里

仙福湖

距縣七十里



西山鄉 十里縣七

錢家寨 十里縣九

柑仔園 百里縣一

郭翁潭 十里縣九

深坑社 十里縣九

上坡寨 十里縣七

洪溝鄉 十里縣六

碧潭鄉 十里縣六

赤料寨 十里縣六

趙厝寨 十里縣六

山頭鄉 十里縣六

竹智鄉 十里縣六

徑口 十里縣七

浮山脚 十里縣六

後埔寨 十里縣九

古竹溪 十里縣九

謝洞鄉 二里縣一百

官塘 二里縣一百

波洋 十里縣九

金鉤港 四里縣一百

馬路寨 十里縣九

大嶺埔 百里縣一

井尾 百里縣一

魚梁 百里縣一

員埔寨 百里縣一

尖田尾 百里縣一

下馬石 三里縣一百

曲湖 三里縣一百

允亨寨 百里縣一百

石口屯 二里縣一百

蓮湖 百里縣一百

湖貝 三里縣一百

湖田中 三里縣一百

揭陽縣志 卷之一

都邑

四十五

三家村 四里縣一百

古潭 五里縣一百

蓮葉埔 十里縣七

新寮寨 十里縣六

元埔鄉 十里縣五

古眠鄉 十里縣四

朱竹坑 十里縣四

可塘 十里縣四

新村 十里縣三

鴻臚坡 十里縣三

蛟龍村 十里縣四

東畔鄉 十里縣四

鵝毛溪 十里縣六

溫厝樓 十里縣六

山上寮 十里縣六

袁厝寮 十里縣六

蘇厝巷 十里縣六

濶口園 十里縣六

古福寨 十里縣六

山寶洋 十里縣六

王厝寨 十里縣五

石牌村 十里縣七

竹林尾 十里縣七

洋邊鄉 十里縣七

濂溪 十里縣七

李仔園 十里縣六

舊住鄉 十里縣七

河內 十里縣七

山犁潭 十里縣七

大坪埔 十里縣七

曾大寮 十里縣七

仙塘菴 十里縣七

龍角池 十里縣七



赤竹坑距縣七

仙坡鄉距縣八

外舖寨距縣九

洋躍坑距縣一

鵝寧菴距縣九

岐陽準距縣九

龍路徑距縣八

茅菴寨距縣九

南山寨距縣百

分水距縣百

老屋塲距縣百

城口寨距縣百

坤湖寨距縣百

甘草湖距縣百

大成嶺距縣百

高田距縣百

楊屋樓距縣百

湯埧距縣百

井田距縣百

大埔頭距縣百

龍湖距縣百

鳳棲樓距縣百

菴後寨距縣百

赤寨距縣九

徑心距縣八

烏犁杭距縣百

九寶池距縣九

半洋距縣一

宮墩寨距縣一

石內寨距縣百

石圳坑距縣百

下灘寨距縣百

楓樹寮距縣百

揭陽縣志

卷之一

都邑

四十六

馬頭寨距縣百

軍塘角距縣百

河皮塘距縣百

橫岡寨距縣百

朱墳嶺距縣百

老虎石距縣七

坪上距縣百

長灘寨距縣百

螳螂帳距縣百

桐樹坪距縣百

中心埔距縣百

藍福田距縣百

黃岐塘距縣百

烏石寨距縣百

九斗鄉距縣百

大池坪距縣百

月眉鄉距縣百

埔上鄉距縣九

白銀村距縣九

鴻溪鄉距縣六

磐溪都爲番七糧里二民里七內無在縣治之西爲村九十六典史

分管

新窖距縣五

潮尾距縣八

盤載距縣五

大西距縣八

港後距縣八

棉洋距縣十



桂林距縣二十五里二

寮中距縣二十里二

藍霄距都二十五里

竹橋距縣二十五里二

福岡距縣三十里

大娘岡距縣三十里

大白寨距縣三十里

赤岸村距縣五十里

赤埔村距縣二十里

西山距縣三十里

廓城距縣五十里

神山距縣五十里

潮林距縣五十里

營浦距縣五十里

舊釣橋距縣十里

小溝距縣十里

大溝距縣十里

棉浦距縣三十里

下市距縣二十里

上頭距縣二十里

深浦渡距縣二十五里

洋下壇距縣二十里

大陂寨距縣二十里

許厝園距縣十里

菴尾距縣二十里

牛路頭距縣二十里

西頭鄉距縣十里

仙湖距縣二十五里

羅帶村距縣二十里

雙山寺距縣二十五里

揭陽縣志

卷之一

都邑

四十七

橫岡距縣三十里

下溝距縣十里

溝尾距縣八里

下尾距縣十里

浦東距縣十里

小西距縣五十里

東畔村距縣十里

溪墘子距縣八里

古溝距縣十里

客洞距縣三十里

新福圍距縣三十里

雙山距縣三十里

鳥圍距縣三十里

新圍距縣三十里

橋頭距縣二十五里

玉步距縣二十五里

林厝距縣二十五里

福美距縣二十五里

溝湖距縣二十五里

福嶺距縣二十五里

山邊距縣二十五里

溫尾距縣二十五里

溫頭距縣二十五里

貴龍距縣二十五里

孫港距縣二十五里

大坑距縣三十里

下坡距縣三十里

謝厝寮距縣三十里

秋江山距縣三十里

風門嶺距縣三十里



龍手十距縣三

藍尾十距縣三

溪頭十距縣二

港尾十距縣三

侯厝圍十距縣三

南山十距縣三

赤步十距縣三

山尾十距縣三

大寮嶺十距縣三

南峯十距縣三

大浦十距縣三

東山十距縣三

火樹坑十距縣三

水吼十距縣三

上底十距縣三

徐厝圍十距縣三

象頭十距縣三

藍頭十距縣三

楊美十距縣三

棉樹十距縣三

喬林十距縣三

巷內十距縣三

溪墘圍十距縣三

渡頭十距縣三

水澗十距縣三

牛子橋十距縣三

潮下十距縣二

潮南十距縣三

潮西十距縣三

大寮嶺墟十距縣三

官溪爲畚六糧里一民里五在縣治之南爲村七十二典史分管

揭陽縣志 卷之一 都固 四十人

新陳十距縣一

直岐十距縣一

壇頭十距縣一

下底十距縣一

官湖十距縣一

古溪十距縣一

山前十距縣一

山尾十距縣一

板溪十距縣一

伯勞浦十距縣一

湯前十距縣一

雙梧十距縣一

石頭十距縣一

梅底十距縣一

浦口十距縣一

白垠十距縣一

紫服十距縣一

溪口十距縣一

旗尾十距縣一

馬山十距縣一

仙家十距縣一

東潮十距縣一

西潮十距縣一

溪頭十距縣一

泰洞十距縣一

東洋十距縣一

溝尾十距縣一

斗門十距縣一

油園十距縣一

藍橋十距縣一

屯埔十距縣一

尾寮十距縣一

北上山十距縣一



槎橋 距縣二十里

洋內 距縣十里

藍頭 距縣十里

上北山 距縣二十里

上南山 距縣二十里

下南 距縣二十里

橄欖埔 距縣五十里

和尚寮 距縣五十里

坑口 距縣十五里

大坑內 距縣二十里

虎巢 距縣五十里

九斗 距縣十里

下寮 距縣五十里

外洋尾 距縣二十里

官母坑 距縣十里

東山 距縣二十里

祿宜 距縣二十五里

新寮 距縣二十里

橋頭 距縣十里

後洋 距縣二十里

田尾 距縣二十里

彭厝寮 距縣二十里

山邊寮 距縣二十里

吉水 距縣二十里

下橋 距縣十里

田心 距縣五十里

潮尾 距縣五十里

溪邊 距縣五十里

賴畔 距縣十里

柯潮 距縣十里

西洋 距縣五十里

東埔 距縣十里

港尾 距縣十里

揭陽縣志

都邑墟市

四十九

河曲 距縣五里

田中 距縣八里

翁厝寮 距縣八里

竹林山 距縣三十里

鯉魚頭 距縣八里

桂竹園 距縣十里

墟市

砲台墟 在漁湖都

郭畔墟 在漁湖都今廢

新亨墟 在藍田都一四七為期

產湖墟 在藍田都三大九為期

大嶺墟 在磐溪都三六九為期

白廟墟 在霖田都今廢

棉湖墟 以一四為期

塔頭墟 以二五為期

玉塔墟 以一四為期

金鈎墟 以二五為期

河婆墟 以一四為期

馬路墟 以二五為期

元埔墟 以二五八為期已上俱在霖田都

大街市 即宣化街在解元坊

新街市



南市

在朝元坊

壯市

在魁元坊

南關外市

在城外

壯關外市

在城外

塘口市

即鵬程市  
在漁湖都

登岡市

在桃山都

桃山市

在桃山都

舖前市

在桃山都

仙溪市

在桃山都

錢岡市

在地美都

大窖市

在梅岡都

揭陽縣志

卷之一

墟市

五十

